

資治通鑑

資治通鑑

資治通鑑卷第一百五十七

讀學兼韓信讀聖訓明教奏議奏集賢數目擢學士崇禎宮柱國河內君罷國侯食邑三千

臣司馬光奉勅編集

梁紀十三

起旃蒙單閼盡強
圉大荒落凡三年

高祖武皇帝十三

大同元年春正月戊申朔大赦改元 是日魏文帝即
位於城西大赦改元大統追尊父京兆王爲文景皇帝
妣楊氏爲皇后 魏渭州刺史可朱渾道元先附侯莫
陳悅悅死丞相泰攻之不能克與盟而罷道元世居懷
朔與東魏丞相歡善又母兄皆在鄴由是常與歡通泰
欲擊之道元帥所部三千戶西北度烏蘭津抵靈州靈

州刺史曹泥資送至雲州歡聞之遣資糧迎候拜車騎
大將軍道元至晉陽歡始聞孝武帝之喪啓請舉哀制
服東魏主使羣臣議之太學博士潘崇和以爲君遇臣
不以禮則無反服是以湯之民不哭桀周武之臣不服
紂國子博士衛旣隆李同軌議以爲高后於永熙離絕
未彰宜爲之服東魏從之 魏驍騎大將軍儀同三司
李虎等招諭費也頭之衆與之共攻靈州凡四旬曹泥
請降 己酉魏進丞相略陽公泰爲都督中外諸軍錄
尚書事大行臺封安定王泰固辭王爵及錄尚書乃封
安定公以尚書令斛斯椿爲太保廣平王贊爲司徒
乙卯魏主立妃乙弗氏爲皇后子欽爲皇太子后仁恕

節儉不妬忌帝甚重之

稽胡劉彞升自孝昌以來自

稱天子改元神嘉居雲陽谷魏之邊境常被其患謂之
胡荒壬戌東魏丞相歡襲擊大破之勃海世子澄通於
歡妾鄭氏歡歸一婢告之二婢爲證歡杖澄一百而幽
之婁妃亦隔絕不得見歡納魏敬宗之后爾朱氏有寵
生子澄歡欲立之澄求救於司馬子如子如入見歡僞
爲不知者請見婁妃歡告其故子如曰消難亦通子如
妾此事正可掩覆妃是王結髮婦常以父母家財奉王
王在懷朔被杖背無完皮妃晝夜供侍後避葛賊同走
并州貧困妃然馬矢自作靴恩義何可忘也夫婦相宜
女配至尊男承大業且婁領軍之勲何宜搖動一女子

如草芥況婢言不必信邪歡因使子如更鞠之子如見
澄尤之曰男兒何意畏威自誣因教二婢反其辭脅告
者自縊乃啓歡曰果虛言也歡大悅召婁妃及澄妃遙
見歡一步一叩頭澄且拜且進父子夫婦相泣復如初
歡置酒曰全我父子者司馬子如也賜之黃金百三十
斤 甲子魏以廣陵王欣爲太傅儀同三司万俟壽洛
干爲司空 己巳東魏以丞相歡爲相國假黃鉞殊禮
固辭 東魏大行臺尚書司馬子如帥大都督竇泰太
州刺史韓軌等攻潼關魏丞相泰軍于霸上子如與軌
回軍從蒲津宵濟攻華州時脩城未畢梯倚城外比曉
東魏人乘梯而入刺史王羆卧未起聞閣外凶凶有聲

袒身露髻徒跣持白挺大呼而出東魏人見之驚却鰲
逐至東門左右稍集合戰破之子如等遂引去二月
辛巳上祀明堂壬午東魏以咸陽王坦爲太傅西河
王棕爲太尉東魏使尚書右僕射高隆之發十萬夫
撤洛陽宮殿運其材入鄴丁亥上耕籍田東魏儀
同三司婁昭等攻兗州樊子鵠使前膠州刺史嚴忠達
守東平昭攻拔之遂引兵圍瑕丘久不下昭以水灌城
己丑大野拔見子鵠計事因斬其首以降始子鵠以衆
少悉驅老弱爲兵子鵠死各散走諸將勸婁昭盡捕誅
之昭曰此州不幸橫被殘賊跂望官軍以救塗炭今復
誅之民將誰訴皆捨之戊戌司州刺史陳慶之伐東

魏與豫州刺史堯雄戰不利而還 三月辛酉東魏以
高盛爲太尉高敖曹爲司徒濟陰王暉業爲司空 東
魏丞相歡僞與劉彥昇約和許以女妻其太子彥昇不
設備歡舉兵襲之辛酉彥昇北部王斬彥昇首以降餘
衆復立其子南海王歡進擊擒之俘其皇后諸王公卿
以下四百餘人華夷五萬餘戶壬申歡入朝于鄴以孝
武帝后妻彭城王韶 魏丞相泰以軍旅未息吏民勞
弊命所司斟酌古今可以便時適治者爲二十四條新
制奏行之泰用武功蘇綽爲行臺郎中居歲餘泰未之
知也而臺中皆稱其能有疑事皆就決之泰與僕射周
惠達論事惠達不能對請出議之出以告綽綽爲之區

處惠達入白之泰稱善曰誰與卿爲此議者惠達以綽對且稱綽有王佐之才泰乃擢綽爲著作郎泰與公卿如昆明池觀魚行至漢故倉池顧問左右莫有知者泰召綽問之具以狀對泰悅因問天地造化之始歷代興亡之迹綽應對如流泰與綽並馬徐行至池竟不設網罟而還遂留綽至夜問以政事卧而聽之綽指陳爲治之要泰起整衣危坐不覺膝之前席語遂達曙不厭詰朝謂周惠達曰蘇綽真奇士吾方任之以政即拜大行臺左丞參典機密自是寵遇日隆綽始制文按程式朱出墨入及計帳戶籍之灋後人多遵用之東魏以封延之爲青州刺史代侯淵淵旣失州任而懼行及廣川

遂反夜襲青州南郭劫掠郡縣夏四月丞相歡使濟州
刺史蔡儁討之淵部下多叛淵欲南奔於道爲賣漿者
所斬送首於鄴 元慶和攻東魏城父丞相歡遣高敖
曹帥三萬人趣項竇泰帥三萬人趣城父侯景帥三萬
人趣彭城以任祥爲東南道行臺僕射節度諸軍 五
月魏加丞相泰柱國 元慶和引兵逼東魏南兗州東
魏洛州刺史韓賢拒之六月慶和攻南頓豫州刺史堯
雄破之 秋七月甲戌魏以開府儀同三司念賢爲太
尉万俟壽樂干爲司徒開府儀同三司越勒肱爲司空
益州刺史鄱陽王範南梁州刺史樊文熾合兵圍晉
壽魏東益州刺史傅劼和來降範恢之子劼和賢眼之

子也 魏下詔數高歡二十罪且曰朕將親搃六軍與丞相掃除凶醜歡亦移檄於魏謂宇文黑獺斛斯椿爲逆徒且言今分命諸將領兵百萬刻期西討 東魏遣行臺元晏擊元慶和 或告東魏司空濟陰王暉業與七兵尚書薛琬貳於魏八月辛卯執送晉陽皆免官甲午東魏發民七萬六千人作新宮於鄴使僕射高隆之與司空胄曹參軍辛術共營之築鄴南城周二十五里術琛之子也 趙剛自蠻中往見東魏東荊州刺史趙郡李愍勸令附魏愍從之剛由是得至長安丞相泰以剛爲左光祿大夫剛說泰召賀拔勝獨孤信等於梁泰使剛來請之 九月丁巳東魏以開府儀同三司襄

城王旭爲司空 冬十月魏太師上黨文宣王長孫稚

卒 魏秦州刺史王超世丞相泰之內兄也驕而黷貨

奏奏請加灋詔賜死 十一月丁未侍中中衛將軍徐

勉卒勉雖骨鯁不及范雲亦不阿意苟合故梁世言賢

相者稱范徐云 癸丑東魏主祀園丘 甲午東魏閭

闔門災門之初成也高隆之乘馬遠望謂其匠曰西南

獨高一寸量之果然太府卿任忻集自矜其巧不肯改

隆之恨之至是譖於丞相勸曰忻集潛通西魏令人故

燒之歡斬之 北梁州刺史蘭欽引兵攻南鄭魏沮州

刺史元羅舉州降 東魏以丞相勸之子洋爲驃騎大

將軍開府儀同三司封太原公洋內明決而外如不慧

兄弟及衆人皆嗤鄙之獨歡異之謂長史薛琰曰此兒
識慮過吾幼時歡嘗欲觀諸子意識使各治亂絲洋獨
抽刀斬之曰亂者必斬又各配兵四出使都督彭樂帥
甲騎僞攻之兄澄等皆怖撓洋獨勒衆與樂相格樂免
胄言情猶擒之以獻初大行臺右丞楊愔從兄岐州刺
史幼卿以直言爲孝武帝所殺愔同列郭秀寔異能恐
之曰高王欲送卿於帝所愔懼變姓名逃於田橫島久
之歡聞其尚在召爲太原公開府司馬頃之復爲大行
臺右丞 十二月甲午東魏文武官量事給祿 魏以
念賢爲太傅河州刺史梁景獻爲太尉 是歲鄱陽妖
賊鮮于琛改元上願有衆萬餘人鄱陽內史吳郡陸襄

計擒之按治黨與無濫死者民歌之曰鮮于平後善惡
分民無枉死賴陸君 柔然頭兵可汗求婚於東魏丞
相歡以常山王妹爲蘭陵公主妻之柔然數侵魏魏使
中書舍人庫狄峙奉使至柔然與約和親由是柔然不
復爲寇

二年春正月辛亥魏祀南郊改用神元皇帝配 甲子
東魏丞相歡自將萬騎襲魏夏州身不火食四日而至
縛稍爲梯夜入其城擒刺史斛拔俄彌突因而用之留
都督張瓊將兵鎮守遷其部落五千戶以歸 魏靈州
刺史曹泥與其壻涼州刺史普樂劉豐反降東魏魏
人圍之水灌其城不沒者四尺東魏丞相歡發阿至羅

三萬騎徑度靈州繞出魏師之後魏師退歡帥騎迎泥
及豐拔其遺戶五千以歸以豐爲南汾州刺史 東魏
加丞相歡九錫固讓而止 上爲文帝作皇基寺以追
福命有司求良材曲阿弘氏自湘州買巨材東下南津
校尉孟少卿欲求媚於上誣弘氏爲劫而殺之沒其材
以爲寺 二月乙亥上耕藉田 東魏勃海世子澄年
十五爲大行臺并州刺史求入鄴輔朝政丞相歡不許
丞相王簿樂安孫塞爲之請乃許之丁酉以澄爲尚書
令加領軍京畿大都督魏朝雖聞其器識猶以年少期
之旣至用灋嚴峻事無凝滯中外震肅引并州別駕崔
暹爲左丞吏部郎親任之司馬子如高季式召孫塞劇

飲醉甚而卒丞相歡親臨其喪子如叩頭請罪歡曰卿折我右臂爲我求可代者子如舉中書郎魏收歡以收爲主簿收子建之子也它日歡謂季式曰卿飲殺我孫主簿魏收治文書不如我意司徒嘗稱一人謹密者爲誰季式以司徒記室廣宗陳元康對曰是能夜中闇書快吏也召之一見即授大丞相功曹掌機密遷大行臺都官郎時軍國多務元康問無不知歡或出臨行留元康在後馬上有所號令九十餘條元康屈指數之盡能記憶與功曹平原趙彥深同知機密人謂之陳趙而元康勢居趙前性又柔謹歡甚親之曰如此人誠難得天賜我也彥深名隱以字行東魏丞相歡令阿至羅逼

魏秦州刺史万俟普歡以衆應之 三月戊申丹楊陶
弘景卒弘景博學多藝能好養生之術仕齊爲奉朝請
弃官隱居茅山上早與之遊及即位恩禮甚篤每得其
書焚香虔受屢以手敕招之弘景不出國家每有吉凶
征討大事無不先諮之月中常有數信時人謂之山中
宰相將沒爲詩曰夷甫任散誕平叔坐論空豈悟昭陽
殿遂作單于宮時士大夫競談玄理不習武事故弘景
詩及之 甲寅東魏以華山王執鴛爲大司馬 魏以涼
州刺史李叔仁爲司徒 万俟洛爲太宰 夏四月乙
未以驃騎大將軍開府同三司之儀元灋僧爲太尉
尚書右丞考城江子四上封事極言政治得失五月癸